



Broj: 04-GV-04-1258/21  
Sarajevo, 15.10.2021. godine

**ZAPISNIK**  
**O RADU ŠESTE SJEDNICE KOMISIJE ZA SPOMENIKE**  
**GRADSKOG VIJEĆA GRADA SARAJEVA**  
**ODRŽANE 15.10.2021. GODINE**

Prisutni:

1. Damir Dinarević, predsjedavajući
2. Jelena Samardžić, zamjenica predsjedavajućeg
3. Aldijana Kulin, članica
4. Edin Veletovac, član
5. Denis Čolić, član
6. Hazim Bahtanović, član
7. Almedin Miladin, član

Sjednici prisustvuje predsjedavajući Gradskog vijeća Grada Sarajeva Jasmin Ademović.

Sjednici prisustvuje gradonačelnica Grada Sarajeva Benjamina Karić.

Sjednici iz Stručne službe Gradskog vijeće Grada Sarajeva prisustvuju:

- Mirjana Đanović Stanić, rukovodilac Stručne službe Gradskog vijeća Grada Sarajeva
- Zinaida Beširević, šef Odjeljenja za stručne poslove u Stručnij službi Gradskog vijeća Grada Sarajeva

Sjednici prisustvuju:

- Merima Arifhodžić, ispred Gradske službe za urbano planiranje, investicije, stambene i komunalne poslove
- Selma Bećiragić, ispred Gradske službe za urbano planiranje, investicije, stambene i komunalne poslove
- Tarik Zečić, ispred Gradske službe za urbano planiranje, investicije, stambene i komunalne poslove

Sjednica je započela s radom u 11.43 sati.

Predsjedavajući Komisije je otvorio sjednicu, pozdravio prisutne, utvrdio kvorum za rad i odlučivanje.

Sjednica je započela razmatranjem i usvajanjem Zapisnika o radu Pete sjednice Komisije za spomenike Gradskog vijeća Grada Sarajeva održane 20.09.2021. godine, sa pet glasova „za“ i jednim „suzdržanim“ glasom.

Na prijedlog Predsjedavajućeg, jednoglasno je usvojen sljedeći **dnevni red**:

1. Utvrđivanje Prijedloga Odluke o podizanju Spomen obilježja Kazani
2. Nacrt Programa rada Gradskog vijeća Grada Sarajeva za 2022. godinu
3. Nacrt Programa podizanja spomenika i umjetničkih skulptura od značaja za Grad Sarajevo kojima je Grad Sarajevo investitor za 2022. godinu
4. Tekuća pitanja



U 11.45 sati sjednici je pristupio član Komisije Almedin Miladin.

## **TAČKA 1.**

### ***Utvrđivanje Prijedloga Odluke o podizanju Spomen obilježja Kazani***

Predsjedavajući Komisije je upoznao članovi Komisije da je pred održavanje sjednice Komisije za spomenike dostavljan putem e-maila u 11.29 sati akt Inicijative mladih za ljudska prava u Bosni i Hercegovini, koji je zaprimljen u Gradskoj službi za Gradsko vijeće pod brojem 01-GV-04-1262/21 od 15.10.2021. godine kao prilog javnoj raspravi.

U raspravi koja je uslijedila o navedenom aktu učestvovali su član Komisije Hazim Bahtanović i gradonačelnica Grada Sarajeva Benjamina Karić.

Nakon rasprave članovi Komisije su se saglasili da je navedeni akt zaprimljen nakon roka predviđenog za provođenje javne rasprave o Nacrtu Odluke o podizanju Spomen obilježja Kazani, te da se o istom neće izjašnjavati.

Tarik Zečić, ispred Gradske službe za urbano planiranje, investicije, stambene i komunalne poslove je upoznao članove Komisije sa Izvještajem o provedenoj javnoj raspravi na Nacrt Odluke o podizanju Spomen obilježja Kazani, učesnicima u javnoj raspravi, te stavom Predlagača.

U raspravi koja je uslijedila učestvovali su gradonačelnica Grada Sarajeva Benjamina Karić i članovi Komisije za spomenike Hazim Bahtanović i Almedin Miladin, te predsjedavajući Gradskog vijeća Grada Sarajeva Jasmin Ademović.

Nakon rasprave, na prijedlog Predsjedavajućeg, Komisija za spomenike je većinom glasova, sa pet glasova „za“ i dva „suzdržana“ glasa usvojila sljedeće **zaključke**:

1. Komisija za spomenike *usvaja Izvještaj o provedenoj javnoj raspravi na Nacrt Odluke o podizanju Spomen-bilježja Kazani.*
2. Komisija za spomenike *utvrđuje Prijedlog Odluke o podizanju Spomen-bilježja Kazani sa idejnim rješenjem, koje je sastavni dio ove odluke i upućuje ga Gradskom vijeću na razmatranje.*

Komisija za spomenike Gradskog vijeća Grada Sarajeva konstatuje da će predsjedavajući Komisije za spomenike prisustvovati sjednici Komisije za Statut i akte koja će se održati u ponedjeljak 18.10.2021. godine sa početkom u 15.00 sati i sjednici Gradskog vijeća Grada Sarajeva koja će se održati 27.10.2021. godine sa početkom u 10.00 sati u Vijećnici, obzirom da je Komisija za spomenike ovlašteni predlagač Odluke.

Član Komisije Hazim Bahtanović je napustio sjednicu Komisije radi ranije preuzetih obaveza u 12.50 sati.

## **TAČKA 2.**

### ***Nacrt Programa rada Gradskog vijeća Grada Sarajeva za 2022. godinu***

Poslije rasprave, na prijedlog Predsjedavajućeg, Komisija za spomenike **jednoglasno** je usvojila sljedeći **zaključak**:

Komisija za spomenike sugeriše Gradskom vijeću Grada Sarajeva da razmatra *Nacrt Programa rada Gradskog vijeća Grada Sarajeva za 2022. godinu* kako je predložen i uputi ga u javnu raspravu, s tim da se u Nacrt Programa uvrsti i sljedeća tema:

Naziv teme: Nacrt Odluke o podizanju spomenika civilnim žrtvama grada - Kantona Sarajevo

Predlagač: Komisija za spomenike Gradskog vijeća Grada Sarajeva

Rok: februar (nacrt), mart (prijedlog)

### TAČKA 3.

*Nacrt Programa podizanja spomenika i umjetničkih skulptura od značaja za Grad Sarajevo kojima je Grad Sarajevo investitor za 2022. godinu*

Uvodno izlaganje podnio je predstavnik Predlagača.

Poslije uvodnog izlaganja i rasprave, na prijedlog Predsjedavajućeg, Komisija za spomenike **jednoglasno** je usvojila sljedeći **zaključak**:

Komisija za spomenike sugeriše Gradskom vijeću Grada Sarajeva da razmatra *Nacrt Programa podizanja spomenika i umjetničkih skulptura od značaja za Grad Sarajevo kojima je Grad Sarajevo investitor za 2022. godinu* kako je predložen i uputi ga u javnu raspravu.

### TAČKA 4.

*Tekuća pitanja*

#### I.

Poslije rasprave, na prijedlog Predsjedavajućeg, Komisija za spomenike **jednoglasno** je usvojila sljedeći **zaključak**:

Komisija za spomenike podržava inicijativu gradskog vijeća Almedina Miladina koju je uputio na Šestoj sjednici Gradskog vijeća Grada Sarajeva, broj: 01-GV-02-1145-10/21 od 29.09.2021. godine, sljedećeg sadržaja:

“Ja bi se pridružio inicijativi kolegice Biljane, a vezana je za spomen obilježja u gradu Sarajevu. Ja sam imao u prethodnom mandatu inicijativu da nadležnost i brigu oko spomen obilježja preuzme Fond memorijala koji je osnovan na nivou Kantona. I da uputimo inicijativu da se proširi nadležnost Fonda, da se omogući ili zaposle ljudi obzirom da po školama imamo zahrđale ploče poginulim borcima, šehidima. Imamo i iz perioda '41.-'45., svaki spomenik je oštećen. Mi moramo voditi računa o svim vrijednostima odnosno kontinuitetu države. I mislim da Fond treba da preuzme odgovornost za sva spomen obilježja. I neka ide inicijativa da Fond koji je već osnovan i koji već brine o nekim spomen obilježjima proširi tu nadležnost. Uz inicijativu kolegice Biljane da se ide u pravcu da se ovo pitanje institucionalno i sistematski riješi.“

Komisija za spomenike traži od Gradskog vijeća da se izjasni o podnesenoj inicijativi.

#### II.

Poslije rasprave, na prijedlog Predsjedavajućeg, Komisija za spomenike **jednoglasno** je usvojila sljedeći **zaključak**:

Komisija za spomenike predlaže Gradskom vijeću Grada Sarajeva da realizira inicijativu Gradskog vijeća Grada Sarajeva, a koja glasi:

„Zadužuje se Gradonačelnik da, za sve osnovne i srednje škole u Kantonu Sarajevo u saradnji sa Ministarstvom obrazovanja, nauke i mladih Kantona Sarajevo obezbijedi postavljanje postera kraljevske dinastije Kotromanić, autora Envera Imamovića.“

Komisija za spomenike traži od Gradskog vijeća da se izjasni o podnesenoj inicijativi.

*PREDSJEDAVALJUĆI KOMISIJE*

*Damir Dinarević, s.r.*

Predsjedavajući Komisije je u 13.20 sati zaključio rad Šeste sjednice Komisije za spomenike Gradskog vijeća Grada Sarajeva.